

**Uunga siunnersuut: Isumaginnittoqarfiup aqunneqarnera aqqissuussaanelu pillugit Inatsisartut peqqussutaata allanngortinneqarnissaa pillugu Inatsisartut inatsisaat, Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaanik allanngortitsineq, Unammilleqatigiinneq pillugu Inatsisartut inatsisaanik allanngortitsineq, Siusinaartumik pensionisiat pillugit Inatsisartut inatsisaanik allanngortitsineq, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaanik allanngortitsineq, aamma Pinngortitamik illersuineq pillugu Inatsisartut inatsisaanik allanngortitsineq (Maalaaquteqartarfiit suleriesai pillugit inissiineq pillugu maleruagassanik allannguuteqarneq) (Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)**

### **Saqqummiussinissamut oqaaseqaat**

#### **Siullermeerneqarluni suliarineqarpoq**

Maannakkut maleruagassat atuuttut assigiinngillat, tamannalu aallaavigalugu pissusissamisuumngilaq ingerlatsinermullu oqimaattuulluni, taamaattumik kissaatigineqarpoq, eqaannerusumik ajornannginnerusumillu Atuisartoqarnermut Unammilleqatigiinnermullu Aqutsisoqarfiup Aalajangiisartuisa sulianik suliarinninnerannut oqilisaassinissaq, taamaasiornikkut aalajangiisartut pituttorsimanatik sulisinnaanerat pitsannorsaaffigineqassalluni.

Inatsimmut siunnersuut maalaaruteqartarfinnut siunnersuummi pineqartunut suleriesiminnik namminneq inissiisinaanannut tunngavilersitsisuusaaq. Ullumikkut Naalakkersuisut maalaaruteqartarfiit suleriesaannik arlalinnik inissiisarput, siunnersuutillu aaljaangiisartut nammineernerullutik sulisinnaanannik qulakkeeralunilu naalakkersuisoqarfiit aningaasartuutissaannik annikillisaqaataassaaq, tassani naalakkersuisoqarfik, attuumassuteqarfiginngisaminut, maalaaruteqartarfiup suleriesissaanik suliaqartarunnaassammat.

Siunnersuutip, maaruteqartarfinni allatseqarfiup ingerlatsinermi suliassai ikilisarlugillu piuminarnerulersissavai, tamannalu Atuisartoqarnermut Unammilleqatigiinnermullu Aqutsisoqarfiup allatseqarfiata ingerlataralugu. Tassunga tunngavilersuutigineqarpoq, allatseqarfiup, maalaaruteqartarfiit suleqatigalugit, allatseqarfimmi ingerlatsinermi

suleqatigiinneq eqaannerusoq anguneqassammat, tassani maalaaruteqartarfinni aalajangiisartunilu assigiinngitsuni assigiinnerusumik ngerlariuseqarnissaq naatsorsuutigineqarmat.